



Broj: 04-45-595 /23
Sarajevo, 06.11.2023. godine

Na osnovu člana 60. Zakona o organizaciji organa uprave u Federaciji Bosne i Hercegovine („Službene novine Federacije BiH“, br. 35/05), člana 28. Zakona o oduzimanju nezakonito stečene imovine krivičnim djelom („Službene novine Federacije BiH“, broj: 71/14) i člana 24. Zakona o ravnopravnosti spolova u Bosni i Hercegovini – prečišćeni tekst („Službeni glasnik BiH“ broj 32/10), v.d. direktor Federalne agencije za upravljanje oduzetom imovinom, d o n o s i

ODLUKU

o pristupanju aktivnostima u cilju usklađivanja propisa iz nadležnosti Federalne agencije za upravljanje oduzetom imovinom sa Zakonom o ravnopravnosti spolova u Bosni i Hercegovini i imenovanju kontakt osobe

Član 1.

Ovom odlukom definišu se aktivnosti na usklađivanju normativnih akata Federalne agencije za upravljanje oduzetom imovinom sa Zakonom o ravnopravnosti spolova u Bosni i Hercegovini, imenovanje kontakt osoba za pitanje ravnopravnosti spolova u Federalnoj agenciji za upravljanje oduzetom imovinom, kao i druge aktivnosti u cilju uređenja, promocije i zaštite ravnopravnosti spolova, garantovanju jednakih mogućnosti i ravnopravan tretman svih zaposlenih bez obzira na spol.

Član 2.

- (1) Zadužuju se komisije, radne grupe i druga radna tijela da pri izradi nacрта zakona, podzakonskih akata i drugih normativnih akata, Strategija, planova i programa, vode računa da isti budu usaglašeni sa Zakonom o ravnopravnosti spolova u Bosni i Hercegovini i Zakonom o zabrani diskriminacije.
- (2) Prilikom izrade podzakonskih akata, kao i pri izmjeni i dopuni postojećih, koristit će se rodno osjetljiv jezik.

Član 3.

- (1) Rukovodilac Agencije će odrediti kontakt osobu za pitanje rodne ravnopravnosti na nivou Agencije.
- (2) Kontakt osoba koordinirat će aktivnosti vezane za pitanje rodne ravnopravnosti na nivou Agencije.
- (3) Rukovodilac Agencije može posebnim rješenjem odrediti naknadu kontakt osobi za rodna pitanja, za obavljanje poslova navedenih u stavu (2) ovog člana.

Član 4.

- (1) Kao kontakt osoba za pitanje rodne ravnopravnosti imenuje se Neven Špoljarić.

- (2) Kontakt osoba prati i analizira stanje ravnopravnosti spolova, priprema izvještaje, analize i predlaže mjere za poboljšanje stanja u oblasti rodne ravnopravnosti.
- (3) Kontakt osoba prati provedbu aktivnosti iz Gender akcionog plana Bosne i Hercegovine.

Član 5.

- (1) Kontakt osobi će biti omogućen pristup relevantnim informacijama, u cilju pripremanja potrebnih izvještaja i analiza.
- (2) Neposredni rukovodioci organizacionih jedinica omogućit će nesmetan rad kontakt osobe za pitanje rodne ravnopravnosti, te su odgovorni za blagovremeno dostavljanje podataka traženih od strane kontakt osobe.

Član 6.

- (1) Sve organizacione jedinice prilikom odabira zaposlenih koji se upućuju na stručno usavršavanje i obrazovanje, konferencije, seminare, radionice i druge vidove edukacije i specijalizacije, kao i pri imenovanju komisija i drugih radnih tijela, potrebno je da se rukovode ravnopravnom zastupljenošću oba spola.
- (2) Pri izradi strategija, programa rada, planova i drugih dokumenata i aktivnosti poštovat će se princip rodne ravnopravnosti i omogućit kontakt osobi davanje sugestija i prijedloga na iste.

Član 7.

- (1) Za planiranje finansijskih sredstava za provođenje aktivnosti koje su neophodne za poboljšanje stanja ravnopravnosti spolova u Agenciji, nadležan je Sektor za materijalno - finansijske i opće poslove.
- (2) Kroz različite projekte, u saradnji sa Gender centrom Federacije Bosne i Hercegovine i drugim organizacijama, organizovati seminare na nivou Agencije, u cilju podizanja svijesti o ravnopravnosti spolova i zabrani diskriminacije.

Član 8.

Ova odluka stupa na snagu danom donošenja.

Izradila: HK

Kontrolisao: AZ

DOSTAVITI :

1. Na oglasnu tablu,
2. Na web stranicu Agencije,
3. U a/a.

